

沈乃文主編

明別集叢刊 第二輯

第七十冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第二輯

第七十冊

黃山書社



(明)陳棐撰

陳文岡先生文集二十卷

明萬曆九年陳心文刻本

陳文岡先生文集序

晉書

晉唐相距不百里晉人過唐者輒嘖嘖誦先令文岡陳先生之賢謂有穎川陳太丘風焉既余以事如晉得先生所製戴

思亭銘廼知先生以直諫外遷而忠赤之肝穠燁之筆直可以光日月而薄雲霞丁丑春余試政都下日夕與泰

晉趙魏之士尚論昭代文人則莫不推轂先生謂可與何大復氏李獻吉氏鼎立中原蓋千人而一口也余脉脉動執鞭思焉戊寅沿牒授鄢陵令囊所與日夕尚論者胥謂余曰子願執鞭陳先生乎且官其地矣即先王時其退陟而遺馥余芬固可必哉子也既抵鄢拜已生干

所已而識令器壽元心志子于德昂之臺則又知先生廼太丘苗裔宜晉人比政于太丘也夫先生以命世奇才遠承太丘遺範而又蚤熟詩禮于叅藩公之庭慨然慕何李之為文而相與後先修風雅騷賦之業故自丘索典墳以及稗官小說靡不披繹與旨而掇鑠其精英由是著為詩文如

陳文岡先生文集序

泉湧雲飛金鏗玉耀大江以北即宗工鉅匠皆心服先生為詞林之冠冕而何李之匹亞也至于奏議數篇大裨世教即使晁賈尸壽鄒枚運穎隄乎不敢晚後武矣大中丞褚公謂點胡一疏可與韓子佛骨表比功洵非阿語哉廼若荆標人極摸鑄後學惠浹黎元威服西鄙則所在人人皆

心文子雕之于德

重世業亦以光太丘之烈也殺青已
竟余為序其今昔嚮慕之私如此云
萬曆紀元

龍飛辛巳知鄢陵縣事古唐後學陳

登雲手書

陳文岡先生文集卷之三

陳文岡先生文集卷之一

賦四篇

門祭郡行轅陳具學校正

大慶賦

維

皇上統天御極二十一祀昨者正月朔日恭
遇元旦令節百寮萬國星羅川會我皇上
聖孝玄思示簡敷朴先期免行大禮大宗伯
疏再上皇上俯順輿情容增潤朔望朝儀
致詞稱賀是日也旭景晴暉天顏和粹退而
群臣咸舉手相慶曰我皇上懋脩靜攝之

陳文岡先生文集

卷之一

門恒不忘下見矧天地交泰之辰正
上下交會之期而有此是帝德加隆治道聿
新之機也衆名綴省垣職司觚節叨隨法從
列侍殿班獲近清光揄揚盛美不辭鉅竢敬
作賦焉其詞曰

天地得一以清寧兮聖得一而化同乾坤幹元以
生成兮王幹元而懋功興龍飛之嗣服兮紀鳳曆
而增崇今二十載而加一兮一復生十十復起一
將歷年所於億萬之無窮令節過夫三元兮元復
生貞貞復會元必延寶祚於運世之彌隆是以而

一人之有慶荷四始之躬逢當夫黑帝陰收青陽
今始析木收歲仙蓂發趾禮官請大儀之習綸音
酌御殿之擬已簡迺侍御之臣紀名儀制之使皆
齋沐於信宿之前思對越於冕旒之趾慎簪組與
鳥結演登降與舉止矣及夫上日猶夜獻歲未晨
太昊握震勾芒御春五夜見天街之靜三更聞宮
漏之貞夙興戒旦習玉垂紳至止於候朝之署達
聽乎主鑰之人待珎象西來寶絡歛欲於列栢銅
魚中出鐵關滴瀝於闕頤迴首遽停手銀燭鞠躬
遂入手金闈虎賁勦嚴更於清禁紫宮正環宿乎

陳文岡先生文集

卷之一

二

勾陳於是歷端闕之遠涉瑣掖之鄰暫憇池省遂
詣闕門觀飛觀之神麗兮宛五鳳之鸞雲矗五臺
從兮如九天之雲下垂而虧蔽霄漢崔巍嶽嶽
若雙碣之山對峙而悚惕心魂龍精最南正茲方
挂於巽隅璿光暮東指今徐轉而向坤王表立中
天而迎風承露火珠擎雲際而流耀騰文披象緯
而仰太微兮吁聞闔而叩帝閭闔人辭焉延慶前
而復却朝既盈美色漸泮而紅綸少焉樓殿句動
霞蒼芒未見乎紅輪少焉樓殿句動霞蒼芒未見
門俱開如巨靈之神擘乎太華而掖先啓若增城

之洞闢於崑崙由右掖而轉進平素來而駁奔是時也金水卧白虹而含凍玉鼈空而背以高橫隔蓬山於禁籞貫弱水於皇瀛駐蜿蜒克庭之樂格齊旖旎列仗之龍旌庭燎煒煌於階墀大樂崇設於門楹遂歷西角之黃道由中右之彤閣攀軫軒兮石級稜嶺繞殿隅兮高下迴縈循丹墀與砌履左城而右平遂集於華蓋之牖而傍乎穿殿之局下網戶朱綴上彫栢飛臺方圓應天地之矩法象麗星宿之名內附謹身之邃密外達奉天之高宋三殿雲連上摩乾昊重閣霞迤正位坤靈仰而

陳商先生文集

卷之

三

望之浮樓走棋蚪螭飛騰就而視之承阿結隅碧彩綬衡徘徊焉延佇焉如出埃壘之冥淵嘶曲隆造旬始而遊廖廓之清微含鷄香而更謹咳唾曳鳬鳥而益切凌兢火鳥後道傳呼仙驛翠華來自西清日移星轉天動神行天子乃御手謹身之內倚斧戾之座扶繡几之凭蕙燭龍若木昭變華流精如丹丘現常明之景紫霄間不夜之城綺簾啓而聲聲輒光爛豁而影通於此而先接乎復命之佐遂見乎導從之英五拜伏而容恪三叩首以禮成迴旋出戶拱翼拂帳握笏綰綬瞻于前後

挹文欽珮戒乎欽傾遵來路而馳儵轉斜廊之亟連足而婆娑勃窣以登見番屋崩施以下俯遵步欄洞豁而上征迺入殿閣遂至明庭眇鳳虞或陳須側身以過瞻蝦鬚半捲為駐足之程皆北面以候遂委佩以迎矣於時內則臚人跽請手陞殿天子步出而自房堯行舜趨鳳舉龍翔龍兩導而九華熠燿鸞班雙引而群珮鏗鏘迺御紫宸服皇章像合宮開明堂趨百辟見萬方仰天花之攢頂悉金藻之焜煌楹棟繞玳龍之攫擊蠶煙吐寶鶴而飄揚仰紅雲之擁衛座兮九我法從之辟如

陳商先生文集

卷之

四

入清都觀紫微列香案之吏而拱侍乎玉皇臺傳效天鵝鳴於蟠木文樓報陽烏出於扶桑曉鸛鳴於龍尾聲磬匝而磅礴閃爍兮列缺迅光而揮霍奮震兮長鯨擊溟渤之神洋於是鼓吹振冠劍趨跽內而戚勲文武外而侯甸要荒悍而鉦耳之豪遠而鬘首之羗皆獻琛稱貢稽顙來王效華封之三祝願純嘏於無疆是日也屏翳悉收其陰雷義和盡獻其清陽中和之樂雖微而韶律轉空雲裏送鈞天九奏之響舞蹈之儀雖減而嶽靈來現廷中間山呼萬歲之長條風入幙即雉尾繡團之

扇布祥雲呈彩即彤旗紫蓋之畢張 皇上雖微
樂簡禮以示謙虛澹泊之德而天之所以助仙仗
而獻靈瑞者益備而孔彰咫尺仰瞻乎天表真如
玉潤而日光神和烝固情豫體康莫不幸大君之
利見歌喜起之明良初重華之嗣基豈聰明之上
智慎萬幾之惟艱酌三朝之高義常日御極憲天
圖治殆堯舜之兢業復出與文武之啟翼一致近
或因靜攝而輟朝實崇慎聖躬之至意然念天地
必會於泰交之時乾坤每見於離麗之次故茲履
端之辰自運咸新之志是知當茲之典廼恒在于
宸衷講幄之章亦參厯于睿思由是而垂恩覃精
廣納博議察吏與庶正法驅弊明賞罰勵將士建
長策嚴武備理儲蓄而足食脩險禦而為恃思患
預防圖難於易上下同心斯須不置必使機槍落
而三階平妖氛靜而百祥至孽伏四夷莫安萬世
是蓋 皇上全體太極握動靜之機優入至神執
闔闢之勢身雖處乎恭默心不忘乎臨蒞時而靜
也靜以益壽年光邁於三皇時而動也動以弘烈
功必高於五帝冠絕前古禹休後承固可必聖子
於神孫益有隆而無替臣忝近從之班得侍駿廷

之際自柔兆涒灘之歲當冬至誓戒之儀繼強圉
作噩之年偕進春慶賀之例既而暑維大淵獻之
冬舉慶成之彤筵再而上章因敦之春冊頒燠於
丹砌往重光赤奮若之孟夏為七廟而大詔頒此
玄默攝提格之孟陬賀三朔而群臣戾雖一官六
侍乎天顏獨斯辰撫泰初調元氣穆帝容展皇儀
而尤覩乎巨麗無陋小臣文墨職寄願託頽素以
獻忠豈願浮靡於藻儷廼廣載歌曰崔嵬紫極倚
天開兮四門既闢萬國來兮洪鈞壽域同九域兮
垂拱御正樹丕見丞弼兮已聖愈聖無逸乃逸兮
天子萬萬年常如一日兮

大寶賦

我

祖宗創古開天肇造區夏邁唐駕漢繼統軒
虞神器乾符寶錫之上帝所以昭信表瑞儲
靈備物以授寶祚於萬萬年者陋前代傳國
之製昭我明受命之符雖儲在內廷掌在典
璽而凡誥勅寫完必請寶出於奉天門用焉
中書末僚就列供事觀斯重制敢僭紀述謹
撰為大寶賦其詞曰

事右皇之徵信兮有靈低之神瑞冠三重於玄室
兮配皇極於五位天不交道以凝精兮地不愛寶
而阜粹人不愛情以獻藝兮乃三才之合會贊鉉
琢而為章兮似圭璧而匪類大一統以握符兮傳
萬年而靡隆當虞廷之章德兮錫師命而頒封奎
翰既登於錦軸兮延請御寶於明官出自雲屏璣
閣之際兮行當金墀玉砌之中先奉天之門而設
案兮敬禮陞之崇隆時則晴光和麗旭景曠曠乃
會省署乃趨臣工移牙籤鸞軸而謹恪傍文石蟠
檻而春容或以青瑣掖垣而就列或以吏兵粉署
而在公或以典璽而集或以崇翰而從皆懷
薰潔服虔衷聿觀戾止效職惟恭矣少焉瑞霽祥
烟見光隨於綵昇流虹曳翠倏增輝乎彫筵玲瓏
啓左寶蓋開前丹匣戲雲龍之圍繞金函煥刻鏤
之晶輝黃裏兮羅文繡畫錦狀兮紵觀輕綿舳舻
日轉杳冥風旋縈微殿庭之際春溫几席之邊飛
觀延閣參差而對映兮金甃玉甃皆避耀於高
懸方勝園花鋪霞相之三疊兮綃幃縠面列瑤案
而相連鳳組繁璫端而並結兮蚪形蟠重背而雙
綬篆吐蟲書之秘文成鳥跡之鐫銀鈞鉄書盤盤

陳南先生文集

卷一

七

全懸珊瑚碧樹枝柯踈綠竹經石鼓體法清玄色
出水銀之硃澤加膏蜜之煎和以熟艾之細包以
生帛之圓是以潤同赤血赭逾紅脰明烘海日光
展霞天武都紫泥未若是妍其玉則采於西崑之
岫種自比平之田藏於東序之秘獻自南荆之賢
溫潤縝密七德俱全截肪蒸栗五色相宣價敵連
城之貴尤勝照室之烟乃有王府良工藝業精專
切以赤刀之鑄磨以玄厲之研苦心殫巧積月經
年故匪鑄而完匪陶而堅常見者猶心駭而睛溢
乍觀者宜魄動而神眩是廼帝王以之受命也胡
惟君子於斯比德焉堂重大夫揖而言曰子知寶
為鎮國之義乎天生神物如圭如璋聖人則之為
龍為光故太聖合玄黃之運靈昭眷佑之祥龍負
圖書軒受大黃之璽星遊河渚虞承金檢之章貺
昭華之器錫延喜之良制列湯廷與商彝而並重
名垂周典共洛鼎而同長迨秦嬴之世獲藍田之
璧鈕刻螭虎之形象用相斯之畫文鐫八字之書
圖建萬年之策及赤精授運初協芒碭嘉徵迄白
水歸真再掃沙麓遺逆五色耀洛南之井前晉驗
黃星之祥千金購江北之家後晉免白坂之惜自

陳南先生文集

卷一

八

茲以還湮沒代革隋唐繼世已失舊物趙宋承基
憂開新石元起沙漠腥羶難繼中國統脉維我大
祖帝王有真重判山河於混沌肇分清濁於渾淪
以軒轅之武開帝功復已焚之華夏以伏羲之文
宣皇德昭既敷之彝倫日月觀重明之麗雲雷亨
一世之屯廼正位而凝命思革故而鼎新制器尚
象彰信託珎團鈕方盤包二儀六合之體狀雙行
聯篆配篆分乾畫之停均首奉天之寶最重号以
事帝祇而達明裡次制誥之寶並隆号以光聖翰
而播綵綸遇陞殿而左右分行既雙瞻手龍象号
陳文岡先生文集 卷之九

陽設壇備儀之日而在於金陵王氣霞光湖水之
時不在於戊申之春即位南郊之際而在於心遊
霄夢天錫帝者之衣鷄籠戰憖龍繞兜鍪較黃龍
翔禹之祥不是過而鯨海波恬神迎幢艦與素靈
啓漢之兆亦何差此 皇祖所以陟寶位而作君
師觀我 皇上之受命者不在於遺詔金符之近
而在於誕聖應河清之候不在於入嗣大統之際
而在於潛龍得江漢之依赤氣騰霄齊即珎光貫
月之異慶雲見翼軫同樞星繞電之奇此 皇上
所以繼寶祚而懋緝熙然我 皇上不以天命自
恃恒於人事兢持守大寶之崇重藉群寶而相維
謂九五為臨蒞之寶号統珎圖之大若天監之在
茲謂德信為發動之寶号履璇極之上思帝命之
不離謂山河為土地之寶号於銀山壁壘金甍紫
塞必嚴防禦而使足隔闔乎華夷謂人民為閭闔
之寶号必固其藩域置之衽席使獻琛奉璋之地
皆含哺鼓腹而遊嬉謂稼穡為庾廩之寶号必恤
其耕作憂其雨暘使瓊糜珠粒皆如京而如坻謂
賢善為布列之寶号凡貞臣劬彥懷璧璫珎用珎
連而才疏瑣者皆愛護而無遐遺慎宅中以保乎

恭恒防患而謹於微齊莊存有敬之道至德微無
虞之思此所以祈天永命壽考維禧萬年天子百
世本支而是寶也將與天無極配地同期矣明哉
興哉興哉明哉廼共稽首颺言而稱頌曰緊我
皇祖聖德統天功高湯武道出羲軒受命玄穹寶
玉鼎制式是九圍傳之萬世寶傳基緒心傳道統
精一執中唐虞垂拱我皇受之懋存敬一兢業勅
機始終戒逸惟敬惟一克明克類大寶益崇群寶
畢萃文恭武伐曰惟商孫治長嘉靖億萬斯春

大誥賦

身若魯古帝王雖宗褒德廣孝覃恩賜服
常曰誥曰命夫自播告臣庶而言謂之誥自
朝廷命令而言謂之命書有湯誥大誥康誥
微子蔡仲之命畢命罔命諸篇而周官大祝
作六辭內一曰命一曰誥斯典厥維彰哉我
明封贈之制首即誥命次為勅命龍文霞綺
錦而珮廟規製之美如前代天造有錫封宰
部即尤題請中書舍人趙內印綬監關軸書
寫以候用寶給散臣恭切惟誥勅之典允為
皇國殊恩夫榮及臣之父母臣宜父母乎

君榮及臣之伉儷臣宜俾海內皆安乎伉儷
之親榮及臣之子嗣臣宜子視乎吾皇之民
斯義厥維彰哉臣恭謹撰括其榮撰賦一篇
揚朝廷寵命之榮為臣子圖報之勸從其重
者立名是為大誥賦其詞曰

繫皇明之履太初而造盤古兮重德合于無疆迨
皇上之幹開陽而應魄兮允躋聖而茂昌重宗盟
以藩社兮列俊又於巖廊既皇風沕穆以四達兮
垂帝澤湛霽而滂洋始天風而施誥命兮渙汗大
號而輝煌軸燦天機之珎絕兮錦成報日之七襄

東商先生文集

卷五

七

雜比之以朱綠兮聯間之以玄黃爛日華呈祥而
流霽兮燦聯珠貫彩之星芒五色雲現而絳霄舒
捲兮晨霞萬縷而銀漢拖光其或素鋪皎潔兮皓
動寒鉉明瑩殿月兮光展輝霜是又蠶取環丘之
履雪兮繭成園客之飼香綃織鮫人之室兮神輸
海若之藏當其效工造於南都兮開錦院而列塲
鳩越絲與吳匹兮戒織染之必良乃貢之於御府
兮儲之於尚方彼黃麻之古制兮耀紫芝而為章
綃幅昉唐宗之異兮羅紋傳宋室之常彩誥鸞回
極形容於吟咏兮金花龍煥備紀述於縹緗通閱

前朝之炬燹未若聖代之昭彰既昭彰其炬燹兮
尤品秩之明貞雲鶴帶雲鸞而翔翥兮繡鸞隨繡
獅之颺舞歲華芙蓉之映乎瑞荷兮仙芝對四季
之敷芬引首象九天之龍而捧篆兮橫心應五土
之色而成文更觀勅命之制兮用錫即職之人內
則白紵之瑩澤兮外亦綵組之續紘是因爵有九
命之別兮廼軸列五等之分飾用以王之貴兮或
取平犀之溫次加以金之釐兮末俱以角之純皆
比物以象其德兮而因分以示乎珍惟贈王則軸
用瑞瑜而嵌寶兮花明龍鳳而繡雲武貴則舊制
柳葉篆文而少別兮新織葵花鎖甲而鱗彬俱綴
華籤以貫束兮而繡錦帶之繆紛廼重演綸之任
兮立染翰之員體一哉之皇心兮撰大哉之皇言
上取法乎典墳之素兮次規效夫謨訓之編崇輝
噩之氣象兮去駢儷之習沿且不詰曲以難澀兮
俾典則溫雅之風旋仰天葩赫奕以煥明兮膚藻
烟麗而輝宣廼用館閣之措法兮師今古而皆全
既頌方以歐勁兮兼義俊而鍾妍適逸掛嶺松之
倒折兮脩美樂明月之新懸陣行齊一鋪雲烟之
千里兮疎密錯落列斗宿之層連精神飄灑而融

滿兮結構嚴整而滑圓俱象成於神運兮而意致
於筆前觀元氣淋漓於黼黻神工璀璨於璣璇如
入上林而芳華苑秀開巨藏而蒲藪相鮮真可以
吐玉音於心畫繪華袞於毫顙也於是寶璽用完
奏頌有位乃開明堂諸臣趨會呼九臚而傳給兮
即一門而榮貴既顯揚其父母兮亦褒嘉其匹配
或三葉四代而推勲兮廼種德流光而錫類持下
蓬萊既縉紳之交慶兮捧出閭閻亦騰懼于衢闈
親如子而冠服兮女亦爵而翟珥將必齋明十襲
于龍函護百世傳家之上瑞臨三祝而籲焚望五
雲於象魏矣於時諸臣心感衷激丹奮勃絕相與
矢心願竭厥職咸若曰曷以報國兮願正基已心
克正兮蘊貞信而不欺已身克正兮庶吾行之不
迷上裨帝德兮放勛與齊下致臣節兮咎繇是期
附謁枉已兮自忖悞禍福改行兮被訕譏追逐時
好兮成邪欲爾之克正兮工允鑒懲脩哉臣正基
曷以報國兮願秉廉一介不取兮義利嚴國家養
士兮廩廩露苞首行而慎色狗兮聖風所嫺象有
齒兮身則殲魚貪餌兮口則鈴誰謂暮夜兮昭於
潛誰謂餽遺兮傷爾恬懋脩哉臣秉廉曷以報國

予願崇儉居官自奉以清約予禮貴真率而簡滯
彼服御宴饋之華麗予厭流則為奢僭求取足焉
屬無厭儉乃德之共予侈亦賢之玷懋脩哉臣崇
儉曷以報國予願明弼家臣職與奭旦匹備股肱
而一體予為百官之表率沉謀默運予在廷翼於
密勿忘家徇國予俾薄海之寧謐天地清而四時
叙予觀聖德之洋溢懋脩哉臣明弼曷以報國予
願貢賢以人事君予在先民而固然灼見知平宅
俊予尤好向之母偏使忌嫉之心一生予奚聖哲
之能比有彼結群駕浮以釣名予或紛鑒乎聖旨
陳南先生文集 卷之五 奏 五
軟辭曲貌以求合予必節操之非堅遠抑斥之勿
使唯懋脩哉臣貢賢曷以報國予願獻忠言嘉
謀予吾皇咨諏度時可行予方進籌度已能為予
方於人而論求既勿躁刻予亦勿默柔不舉吾之
所親予不擊吾之所仇惟正直而公亮予期賢古
之婉流抗糾斥乎官邪予先請去乎其尤紛驚搏
以張煽予又明德之所蓋或觸忤以離咎予誓九
死而靡憂被懲焚而吹藿予入脂韋之悠悠懋脩
哉臣獻猷曷以報國予願協恭天王一統予六合
通四海俱吾同胞予矧朝列之弟兄美不必自己

出予善則必與人同限方隅而分依背予豈大造
之為公識趨端予憲良從弼謀一予勛樹隆懋脩
哉臣協恭曷以報國予願宣力捐軀結主予臣之
職邊陲此際予鳴弦鑼 天子宵衣予日旰食臣
戒無益予恐妨有益振長策以摧敵鋒予奮旄頭
之是擊效一死能衛乎國家予豈微軀之敢惜壤
有馳褒予名在金石惜時予拊髀執勞予連甃懋
脩哉臣宣力曷以報國予願戒盈有功不伐予位
不矜遭逢通顯予當惕兢造物尚忌予多取名鬼
神常闕予高明庭謾藏恣欲予終亦傾貪天玩寵
陳南先生文集 卷之五 奏 六
予邦有刑驕僕臺以縱踰予怨自嬰挾威望以陵
忽予孽乃萌履滿思懼予聖之經難進易退之賢
之程懋脩哉臣戒盈於是矢心既終諸臣猶侍益
皆色動神舒暢情吐氣相要以心相勗以義求九
歌之允諧思九德之咸事見風后布列而掌紂天
老懋勤而輔世還淳皞皞之風躋農軒之治農軒
世逮重華予今遇仰靈脩而未能悵盤桓於清署

大冊賦

我

皇朝頒封親王郡王及妃用金冊並鍍金銀

制重則紀也明之制見於經者曰鈔雖於金
勝曰丁卯令作冊度皆以紀錄未以封拜也
然成王命周公留康王命畢公保釐皆作冊
是冊命自周始漢以前冊皆用竹連貫成編
篆書其文唐因漢制謂之冊書未用金也用
金自我朝始冊之制以金銀造冊二葉楷鐫
冊文然書之者必中書臣焉尊聖制也其封
宗藩者近年每造於冬臘畢歲事也臣趨事
之餘捧觀盛典述宗子維城之寄願國家磐
石之休謹撰大冊賦其詞曰

瞻青陽雲出而縹緲兮正清祀之嘉晨會日繼於
星紀兮軫中旦而望明昏斗杓尚旋於丑建兮調
大呂而司辰 天子將舉發冊之大禮兮展寶玉
於宗親欲及攝提之貞孟陬兮行封典於王春夢
有中書載筆之臣約子墨之客卿攜翰林之主人
出薇垣之清署兮經楓闕之旁門命儔戒侶兮前
案後寅將詣內府之銀局兮謹書楷乎冊文是時
也清霜尚飄於紫禁金堞迤接乎丹氛旭景熹微
而升玉宇兮靈飈颺布兮瑤林循雉城而廻繞兮
臨崇山之連雲仰俾倪之樓觀兮鬼抱角而鈞心

舒和步履兮融液精神泚氣潛回乎陽德兮先秦
早覺乎皇仁共束曹儀署之郎吏兮入西華內禁
之闔若廼左瞻井幹北望桂宮見榜分而署列經
對闔而連櫺再南折而東轉遂達於禁局之中爰
有銀瑤爰貯金工冶築是業鳧挑是攻銑盪是鍛
鑿致是鏤觀其開軒帝火煥祝融燒扶桑而為
炭熾鬱華而飛紅煙以太乙之靈鼓以巽二之風
赤蛟捧爐朱雀臨峰如入燧明之國而四時曦赫
觀焚臺之燭而五色騰煥金以從革而為性亦惟
依錙範而為容也見紫室而數筭兮陳几而設研

徐捧冊樸兮奠之於筵遂謹書乎命詞兮次鐫刻
乎是言制長尺而潤半兮必兩葉而雙連或以純
金之貴兮或以鍍金之妍分之有二儀成象之矩
兮聯之有兩曜合璧之全開闔既宛乎書帙兮絳
貫則同乎簡編炫黃龍之變煥兮射紫電之燭宣
錦褥藉紅綃而霞縈兮金函飾粉瀝而龍蟠乃施
彝典兮預奏吾皇纂人繹兆兮蕃氏詠良上告宗
廟兮洞啓朝堂聽制傳於玉陛兮觀遣使於嚴廊
闢乾坤之戶於魏闕兮明日月之象於大常冠履
繫星辰之列兮綸音發雷電之光遶動闕之貴爵

兮簡侍從之才良威儀可則兮言語有章既足以
不辱朝命兮尤足以取重藩邦乃離簪纓之序
下駕鸞之行玉節既秉兮金冊斯裝副之以英蕩
兮昇之以朱箱迺乘輶軒迺出帝畿華懋皇皇而
於彼原隰使星兩兩而霄漢分馳風伯清塵而預
掃兮雨師汎灑而先施玄冥擁護而後殿兮赤標
炳赫而前趨蒼龍蚴蚪而左繞兮素虎屯圉而西
移山靈海若閭溢而來迓兮魍魎魑魅悉遁迹而
清夷皆所以拱衛乎金冊以崇帝命而恪皇儀也
乃遵驛程兮乃詣藩國先具儀以迎節兮次卜吉
而受冊榮被賜服兮寵霑帝澤冕冠袞服七五其
章兮疊鳳繡翟等差其飾豈刻竹之可倫兮邁削
桐之遺則神明之肖晶瑩瓊樹之枝兮帝派之親
澄澗銀潢之脉允矣綿綿萬萬之風振振麟趾之
德也受冊既終迺行類會使臣執禮無載爾爲其
始也備述聖體臻萬福之安形容聖壽極萬年之
長播頌聖休集萬靈之瑞使伯禽益切於宗周中
山加懷於戀魏其繼也采風問謠比俗詢類遠訪
民庶近察吏最將歸而告之聖明俾知萬里之遙
於九重之內其既也辭綺縠之筵却金幣之餽固

不自爲亢倨亦不怵於勢位使藩國重朝廷有清
脩藹藹之臣而自失其王公之貴三禮既完遂巡
將退使臣復上陳堯虞之風下及漢唐之歲推廣
冊命之詞進爲宗藩規誨乃曰皇德如堯先厥敦
睦皇制如周封厥親屬繫我宗藩皇家鍾毓惟孝
惟忠祇敬雍穆何以曰孝本原念篤何以曰忠翊
勤是易既華斯居彤庭綠室亦華斯乘羽幢丹轂
既厚其供被珍食玉亦厚其娛鑾池綠竹戒在逸
遊益任誦讀河間脩學大雅超俗東平樂善芳聞
亦速祀事孔明蒸常弗嬖朝事允脩貢獻能數乞
請勿輕福在知足嬌嫺勿充壽在寡慾刑于臺術
肅乎宗族維城維藩皇言是服宗藩敬受訓詞虛
心抑氣如欲獻厥丹誠思於皇國而助益者乃稽
首拜手矢詩而歌曰天語叮寧兮天顏咫尺忠孝
吾心兮藩屏吾職顧宗支與日而俱增兮皇統當
配天而無極恩澤既渥兮樽節攸宜廟建方隆兮
邊防孔棘聖明仁斷兮良弼輔翊觀會通而斯久
兮茲紹述之盛績於是使臣亦遂歌曰於皇帝派
兮額頌之齋於皇帝德兮重華之治猗歟賢藩兮
守敬敦誼願孝願忠兮願輸長議衆輻輳數兮枝